

COMUN

Cun ordinanza nr. 21/2020 vègnel stlüt la strada Picolin-Ju dal lönesc, 25 de ma, dales 08.00 inant cina le vèndres, 29 de ma 2020, dales 18.00.

Ince sce i ofizi de Comun é indò daverc al publich, vègn düc invia, denanco jì te comun, da telefoné naota o da scrì na e-mail, por odèi sce chi che ai adora é bëgn ince söl post de laur, por odèi sc'ara vá magari da tlarí la chestiun ince zënza messèi passé instèsc o por fá fora eventualmènter n apuntamènt. I locai y porti de comun é plülere strènc, porchèl él ri da tigní ite les destanzas scrites dant y an mèss ciarè da evité ch'al sides deplù jènt te n iade te comun.

PLOANIES DA SAN MARTIN Y LUNGIARÜ

Dai 18 de ma 2020 inant - aladò dles disposiziuns dla diozeja - pól indò gní dit mèssets y tigní funziuns te dlijia cun la partezipaziun dla comunità. Por garantì la mascima segurèza por che le corona virus ne se desleries nia fora, él sambègn da se tigní a na ligna de regoles de comportamènt, ch'i orun respeté por nosc bëgn y por chël di atri:

- i jun te dlijia un al iade, se dejinfetun les mans y tignun na destanza de 1,5 m un dal ater; le nes y la boccia é coris da na mascherina ch'i tignun vistida tratan dōta la mēssa/funziun;
- tles proches él scrit dant n meter de destanza da òna na porsona al'atra, porchèl se sentunse ti posc amarsciá; porsones de na medema familia pó se senté adöm y fá plēna la proca;
- da jì ala Comuniun tignunse na destanza de 1,5 m dal'atra porsona;
- ince da jì fora de dlijia stunse 1,5 m dalunc dai atri y i ne stun nia te grups sön plaza dan dlijia;
- porsones che á na temperatōra dl corp plü alta co 37,5° o che á albü contat cun porsones infetades ne pó nia jì te dlijia.

Tla dlijia da San Martin ál lerch 90 porsones, te chēra da Lungiarü 58; les mēsses pó gní accompagnades dal sonn dl orghe y da n cantor, mo nia dal cor de dlijia; i libri tles proches é gnüs tuc demez y le boché dal'ega santa resta öt; do vigni mēssa o funziun vègn la dlijia dejinfetada y al vègn lascé ite aria frēska. La dlijia resta daverta ia por le de por l'oraziun personala de vignōna y vignun. Les mēsses y funziuns pó inant gní ascutades tl radio dla cōra da düc chi che ne sciafia nia da jì te dlijia o che ne s'la sint nia.

I sun dōtes y düc bel peria da nes tigní al regolamènt y da fá le miú adinfora, por che les mēsses y les funziuns de dlijia pois gní zebrades cun dignité. Dilan!

Le Consēi de Cōra cun siur Klaus y siur Heinrich

PLOANIA DA SAN MARTIN

Düç é invia da se tó le liber SYN da ciasa, dal momènt che ai è gnüs tuc demez dales proches.

Les proches de dlijia mēss gní dejinfetades do vigni mēssa y funziun. Chē se mēt pa a desposiziun da sorantó chēsc sorvisc, ince ma n de al'edema? An adora incēr 10 menüc y le sorvisc podess gní fat da 2 porsones al iade. Contatēde Leo Crepaz 348 40 96 351o Romi Crazzolaro 339 71 64 521; Dilan

Da sēgn inant él indò la poscibilitè da paie mēsses vigni domēnia do la gran mēssa o ince ia por l'edema da siur Heinrich.



Plata dles Ploanies San Martin y Lungiarü

siur ploian Klaus Sottsas 344 15 54 055 - klsottsas@rolmail.net

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita



24.05. – 31.05.20 nr. 26

FESTA DL'ASSÈNZA - A

Vangele do Matí, 28,16-20

Te chël tēmp

é i ònesc discepui jüs tla Galilea sön chē munt che Gejù ti à dit.

Y canch' ai à odü Gejù, s' ai inslenè dan da d'él. Mo n valgügn dubitá.

Dailò ti é Gejù jü pormez y ti à dit:

A mé m'él dè dōta la potesté tl cil y sōla tera.

Porchèl jide da düc i popui y fajede fora de dōta la jènt mi discepui;

batiedi tl inom dl Pere y dl Fi y dl Spirit Sant,

y insignedi da osservè dōt ci ch' i ves à dè sō.

Ciarede:

Iö sun cun os, düc i dis cina ala fin dl monn.

Deperpo che la Storia di Apostui nes mostra sciöche Gejù Crist vá sō tla gloria dl Pere, nes dij l'ultimo capitul dl Vangele do San Matí coche le Ressorí é cun potēnza divina presēt te sūa Dlijia.

L'impormetüda "Idi cun nos" nes vègn dada tl scomenciamènt de chēsc vangele (1,23) y ala fin stá indò l'assicuraziun:

"Iö sun cun os, düc i dis cina ala fin dl monn."

La Galilea é da intēne sciöche raiun di pagans.

Le fat che Gejù ti aparēsc dailò ai discepui é bele na indicaziun che la Dlijia é destinada da se daurí a dōt le monn.

Ai discepui ti vègnel surandé le compit da incundé la buna noela indlunch.

Düç i popui dess diventé discepui de Gejù, y sū discepui devēnton cun le bato.

Le bato é dēr lié ala festa dl'Ascensiun dl Signur:

Chēsc sacramēt tol por vigni porsona n toch dl cil jö sōla tera.

Cun le bato ciafunse na merscia divina che nes dij:

Tö, che t'es batié, es dl cil y te jaras indò sō cuntra cil.



TÈMP DE PASCA	SAN MARTIN	LUNGIARÜ	Dal Sonntagsblatt: na proposta por na devoziun dl'Assënza a ciasa <i>Ince sc'an pó indô jî te dlijia resta la "fasa 2" impó n tēmp da s'abiné a ciasa a perî adôm.</i> <i>Le tēmp do Pasca n'ê por i discepui de Gejú nia ma n tēmp de ligrēza mo ince de crisa. Chêsc odunse dala fossa ôta, dal iade a Emaus y dala ascensium a cil. Y ince incö periunse "Romagn cun nos Signur!".</i> Dal Vangele do San Matî (28,18-20) Dailó ti é Gejú jü pormez ai discepui y ti á dit: A me m'él dé dôta la potesté tl cil y sôla tera. Porchêl jide da düc i popui y fajede fora de dôta la jënt mi discepui. Ciarede: Iö sun cun os, düc i dis éina ala fin dl monn. <i>- L'ultimo tēmp é sté por tröc n tēmp de renunzies mo ince n tēmp por l'essenzial y l'important tla vita. Insciö án podü sintí che t'es tla crisa cun nos.</i> <i>- I ún podü vire indô n'aisciöda cun dôtes sües richēzes</i> <i>- I un podü sintí l'amizizia dla jënt. I dijun dilan de chi che nes á ascuté sô, dles mans che á daidé, dles bunes parores, dles odlades soridēntes y de vigni salüt valënt.</i> <i>- Le tēmp nes á daidé da ester creatifs, da resté en conferta cun i vijins, da fâ telefonades, da lí y da odêi trasmisciuns.</i> <i>- I ún podü ester unis tla oraziun y dijun dilan dles porsones che præia, dles ciampanes che chërda, dles zelebrazions tignides y ascutades te ciasa.</i> Nosc Pere sô al cil ... Ave Maria Gloria al Pere ... <i>I te dijun dilan, Signur, che t'es cun nos incö, indoman y por tres. Al ne sará degun dé che tö ne saras nia cun nos. Láscesse ciafê, Signur, da te chësta segurté che nes tol nia nostes tēmes daldöt mo che nes müda daite, te nosc cör.</i> <i>I te dijun dilan, Dî nosc Pere, cun la mort y la ressureziun de Gejú nes daste le Spirit Sant che nes mêt chësta segurté tl cör, che dess resté por dôta l'eternité. Amen.</i>
24.05.20 FESTA DL'ASSËNZA - A ASCENSIUN DL SIGNUR <i>De mondial dles comunicaziuns soziales</i>	9.30 Gran Mëssa por la Comunità dl ann + Maria Agreiter Chizzali dl ann + Sciandro Trebo + Pire Sorà (dl ann) + Sergio Menegot 19.00 Devoziun/Corona de ma	7.55 Corona 8.15 Gran Mëssa por la Comunità ++ siur Fonjo y suor Floriana Clara 11.30 Bato de Jonas Graf	
25.05.20 Lönesc <i>Beda, Gregöre</i>	19.00 Devoziun/Corona de ma		
26.05.20 Dedolönesc <i>Filip Neri</i>	19.00 Devoziun/Corona de ma 19.30 Mëssa + Sepl Flöss d'Arzó ++ Marianna y Edmund Frenner + Erna Frenner + Pepi Dejaco, Larjëi de reingraziam. dles grazies scincades		
27.05.20 Mercui <i>Agostin, Bruno</i>	19.00 Devoziun/Corona de ma	7.30 Mëssa ++ Vito y Vitoria Clara por les Püres Animes	
28.05.20 Jöbia <i>Wilhelm, Iustus</i>	7.30 Mëssa en onú de S. Ojöp Freinademetz vis y def. fam. Purgl Clara ++ Ferdigg y Pescosta, Ju Corona por vocaziuns 19.00 Devoziun/Corona de ma		
29.05.20 Vëndres <i>Sisin, Sciander, Martire</i>	19.00 Devoziun/Corona de ma	7.30 Mëssa ++ Albino y Filomena Clara	
30.05.20 Sabeda <i>Otto Neururer, Ferdinand</i>	18.00 Corona de ma 18.30 Mëssa prefestia fam. Lorenz y Hubert Planatscher + Mariangel Tavella ++ Zingerle Ghejenara + Franz Chizzali	20.00 Mëssa prefestia +++ Giuvani , Franz y Veronica Costa + Rudi Moling aniv. ++ Pire Clara y Paolo Costa	
31.05.20 PASCA DE MA - A	9.30 Gran Mëssa por la Comunità en onú dl Spirit Sant fam. Leo Crepaz + Maria Dapunt Erlacher ++ fam. Sepl y Hannele Frenner + de Gröpa 19.00 Devoziun al Spirit Sant	7.55 Corona 8.15 Gran Mëssa por la Comunità + siur Heinrich Videsott	